

愚

齋

存

稟

愚齋存稿卷第九十

電報補遺目錄

南京劉峴帥來電

寄武昌惲菘雲方伯

又

京翁弢甫來電

武昌惲菘翁來電

王夔帥致張香帥電

天津黃花農觀察建筦來電

寄武昌惲菘翁

寄直督王夔帥

李中堂來電

寄英京李中堂

寄武昌惲菘翁

直督王致鄂督張電

王夔帥來電

寄直督王夔帥

李中堂來電

寄武昌惲菘雲方伯

夔帥致香帥電

王夔帥來電

寄武昌惲菘翁

張香帥來電

張香帥致王夔帥電

寄直督王夔帥

王夔帥來電

寄王夔帥

王夔帥來電

紐約李中堂來電

寄甘督陶方師

愚齋存稟

卷九十目錄

二

臣等伏乞

武昌張香帥來電

武昌惲菘翁來電

寄武昌張香帥

又

武昌惲菘翁來電

直督王夔帥來電

武昌惲菘翁來電

又

寄鄂督張香帥

又

張香帥來電

寄王夔帥

寄天津李中堂

寄武昌惲菘翁

天津沈子枚觀察來電

張香帥來電

王夔帥來電

鄂督張香帥來電

又

寄鄂督張香帥

寄武昌惲菘翁

寄鄂督張香帥

又

寄王夔帥

寄武昌惲菘翁

寄王夔帥

張香帥來電

寄夔帥

張香帥來電

寄武昌督撫憲王藩台惲臬台瞿道台

寄鄂督張香帥

寄夔帥香帥

天津李中堂來電

川督鹿滋帥來電

鄂撫譚中丞繼洵來電

武昌惲菘翁來電

寄夔帥香帥

又

寄成都督憲鹿滋帥

寄武昌惲菘翁

鄂督張香帥來電

武昌惲菘翁來電

王夔帥來電

武昌惲菘翁來電

又

寄王夔帥

寄張香帥

直督王夔帥來電

武昌惲菘翁來電

寄王夔帥

王夔帥來電

寄王夔帥

寄王夔帥張香帥

寄直督王夔帥

王夔帥來電

寄夔帥

寄直督王夔帥

直督王夔帥來電

又

又

直督王夔帥來電

寄武昌惲松翁

又

又

鄂督張香帥致直督王夔帥電

寄鄂督張香帥

鄂督張香帥來電

寄張香帥

張香帥來電

京李季高京卿來電

署漾電有數日內具奏語不宜再遲矣連日未得
電音切盼復示

天津黃花農觀察建筦來電

七月初五日

電示敬悉今日謁帥已將鐵政鐵路及一切情形
詳婉稟陳帥意於公甚爲關切論及鐵政奏摺已
請香帥主稿亦正因帥與公甚厚且久所以爲公
避物議意良可感至廿二致軍務處電並非大題
小做此電特先作引子而奏內自必詳切將來奏
准必歸公辦並擬於摺內題及章程須公到京詳
議刻又電催香帥將稿速爲辦寄到日稍加斟酌

便即拜發愚見似公亦電催香帥自可速辦至尊
擬俟鐵路有明文後再行北上帥意亦甚以爲然
否則恐招人說話至銀行事不宜在路摺中一同
奏請俟路既定然後再行舉動並稱關席帥意並
無其人意似俟公到再議亦未定耳

寄武昌惲菴翁

六月二十九日

正件已妥禮拜一寄上附件斷難代擬鮑不肯爲未知
仲耶

寄直督王夔帥

七月初六日

有電感甚徑電與惲臬轉呈香帥復電此等重大事件

遴員總理非有十分上考豈能饜中外之望夔帥所言
分寸最合又云前寄來之稿過略補綴太費事務望敘
一全稿速寄鄂爲盼昨據商情凌空擬議初四寄鄂初
六寄津花農轉呈覽後先乞電示以定進止

李中堂來電

七月初六日

已轉津粵益川甘督

七月十四赴美國八月初一由美國坎拿大動身
初八由挽可化動身搭皇后船二十二到橫濱卽
放廣利富順至橫濱候接回津安徽賑捐難籌

寄英京李中堂

七月初六日

謹悉節旋日期慰甚准派廣利赴橫宣望後赴津津蘆

鐵軌重八十五磅德人云只須七十二磅乞詢英幹路
重若干如用八十五磅不嫌重否候示奏定由鐵廠照
造

寄武昌惲菘翁

七月初六日

函件初七必到請代探意旨速復俾定進止招股借款
責成公司歸還難上加難人皆裹足兩帥移節倘遠若
併胡雲楣招牌不得必難號召海內如照津蘆籌發公
款則充委員亦辦得動乞代稟

直督王致鄂督張電

七月初七日

陽電縷悉不敢鋪張二語可謂心心相印昨接滬

電謂稿於初四日寄出早晚當必可到古月成案似不宜引想渠亦不過以彼之重形此之輕未必遽求仿照也借債一節電署先商固好惟萬一駁回則滿盤皆亂此摺不但太遲亦竟別無辦法或於發摺後將洋股不可不禁洋債不能不借之故透切一言再電督辦處總署未知當否仍請裁奪

王夔帥來電

七月初八日

稟件尙未到香帥昨有電商步驟各節復以洋債電署先商固好惟萬一駁回則滿盤皆亂此摺不但太遲亦竟別無辦法或於摺內切陳後約計摺

將到京再將洋股不可不禁洋債不能不借之故
透澈一言分電督辦處總署等語希督照餘俟稟
到再酌

寄直督王夔帥

七月初八日

香帥陽電已悉請俟新裕稟件到後求師酌定步驟先
行電示可就則就不可則止洋債一節電語難詳似只
可待摺內透發

李中堂來電

七月初八日

英路總辦皆謂軌重可任重經久德人議徒省費
勿給

寄武昌惲菘雲方伯 七月初十日

初六函悉初四專差周貴望卽令回滬所事有三難已稟兩帥只好先到京定議

夔帥致香帥電 七月初十日

滬稟想已大致無甚可商惟另片卻費躊躇權不重望不隆不足以號召羣倫實情如此惟所請若太逾分不特易滋浮議亦恐難邀特允管見所及或於片內出考後言就臣等所見非此人不能勝此重任但非假以事權不足以鼓舞羣情如蒙采納應如何錄用之處應由臣等送部引見恭候

欽定似此再作一步驟尊意以爲何如

王夔帥來電 七月十一日

昨有電商香帥適與此電吻合已囑花農轉致想

香帥亦必照辦也

寄武昌惲菘翁 七月十三日

仁和電擬會送引見與總署面商辦法只要辦得動心中無我也銅鐵關稅與紗布不同俟與大農商定再請頂奏第行期須候揭曉亦免着急乞代稟餘心照

張香帥來電 七月十三日

部議鐵廠事太苛如此重稅如何能辦總須設法

好在鐵廠在彼時有往還亦不著痕迹也

張香帥致王夔帥電

七月十三日

滬蒸亥電計已達三難當破眾謗亦當弭近日都下江南山東函電謂我兩人於某君爭相保奏譏議紛紛此事須穩妥方能有成也渠總未能深明時勢體察深情耳現已籌有辦法總之必予以聲望事權則一無所難矣洋款歸宿公司辦法曲折甚多非面談不能透澈且稿件尙須妥酌以免部駁已電滬囑其來鄂面商兩三日即可定定後當寄稿至津並帶印花前往請改定後即在津繕發

措詞極力籲請俟來鄂面商

寄直督王夔帥

七月十四日

菘雲元電稱頃謁帥奉諭此事非先奏派公係局外人何能入都議事亦與常熟初電不符三難之說須面訂辦法並擬於附片兩層而外再假事權帥意極欲一方共事且欲盡公之才斷不同合肥之羈勒也囑公速卽來鄂詳細密商輪船往返不過十日於公大有益乞勿憚勞盼甚等語未知葫蘆裏賣何藥求鈞誨再酌復

王夔帥來電

七月十四日

昨香帥亦有電來詳言一切武昌之行卻不可少

作爲鄂發可也如此較速卦電已奉到送部固好
但鄙意欲想一有益而不詫異之辦法容另電奉
商

寄王夔帥

七月二十一日

頃謁見正件竟要大改主意在派定差使不作架空語
正尾卽敘明飭令到京面商不候 旨卽行似嫌唐突
乞師裁示

王夔帥來電

七月二十一日

香帥於此舉亦甚慎重命意措詞必當斟酌出之
有應商處不妨面陳此間未見原稿無從插議稿

到日如有所見仍可往返電商也

紐約李中堂來電 七月二十五日

已與紐約公司言明不得過四釐息他商尙有願借勿遽定

寄甘督陶方帥

八月初一日

肅清叩賀何其坦才守優長此來欲求憲恩附保該令來電深蒙優賅靈台愛才若渴可否仰求栽培感同身受甘電總局責成較重擬派何令先行會辦可否乞示遵宣初三赴津

武昌張香帥來電

八月初五日

支電悉帶造廣東鐵路較易招股一層固所深知
但礙於一網打盡之譏恐招旁人浮議轉多阻礙
此次摺內斷斷未便敘入前面談已言明俟公司
准設後由公司具稟卽行再爲續奏不過推廣並
非矛盾且亦不至甚遲此次閣下進京可先行一
面稟商總署屆時或並由津鄂會電總署言之若
必於此次摺內全敘恐欲速反不達耳閣下務須
趕速北行爲要大局一定諸事俱好說望到津後
並與夔帥商之以爲何如

武昌惲菘翁來電

八月初七日

今日安抵否帥諭摺件已經夔帥核定津悉如鄂
議催公隨摺速行切不可前後參差致不及布置
等因帥意可謂肫摯矣

寄武昌張香帥

八月初八日

支歌諭悉頃抵津謁夔帥摺皆未動明日可見面命候
下文再定行止

寄武昌張香帥

八月初十日

頃奉飭知迅速入都以備諮詢三五日內遵卽起程如
何籌議當隨時電稟並求憲台隨時訓誨俾有遵循而
免隕越

武昌惲菘翁來電

八月十八日

帥云外間措詞分際只能如此而聲明聯銜奏事則顛懇遷擢已在言外引伸陳奏全賴樞廷爲力等語兩帥辦摺老手尙難字字愜當我等固慮不及此也近日謁見各堂均順手否仍隨時密示甯案何未揭曉

直督王夔帥來電

八月二十日

別後三電均悉到京機勢甚順水到渠成此其時矣此事成否關乎大局非偶然也見人謙抑論事踏實處此地位愈宜加慎銀行以入董承辦極是

其機已動勉爲之

武昌惲菘翁來電

八月二十一日

會議後羣公必更相推重能得懿親一言否鄙意
蘇齋雖細意斟酌終當委曲成全且對調瞿不合
例公無位置處也日來有轉機否仍密示

又 八月二十三日

仁和致南皮電言公機勢頗順蘇齋亦浹洽矣一
切轉圜甚慰究竟是京銜抑係外擢必已定議務
希速達帥屢問也

寄鄂督張香帥

八月二十二日

十八謁高陽見病勢無礙極盼良醫當卽專電陳蓮舫
勸駕頃接其由皖來電前張香帥爲高陽電招已以母
老多病辭覆望轉達此意云云其詞意似因尊處往招
未允不便宣招卽至況旣能至皖何不能至京國老病
關大局蓮舫義不應辭請鈞處專弁攜帶川資赴皖親
筆函促宣再派輪相迓諒必可行

又

八月二十四日

前稟派員查勘興國州鉛礦乞賜批准以便員董往勘

張香帥來電

八月二十五日

鐵路辦法想已有端倪祈速詳示再練自強軍一

節細思諸多窒礙即使江南能允帶餉來鄂恐斷不能持久將來恐受大累請勿向當道談及

寄王夔帥

八月二十六日

效諭謹悉督辦處會議須待恭邸廿八回城再定洋債保借最難現擬集華股千萬借部款千萬先開造續借洋債二千萬以已成路抵押造一段抵一段不落空樞譯戶半已許可候會議後揭曉

寄天津李中堂

八月二十六日

屈指鈞駕回津普天同忭宣到京十日所議事件夔帥諒能面述祇盼鈞駕早日入都藉有稟承
慈聖駐

圍恭邸廿八進城高陽尙難全愈

寄武昌惲菘翁 八月二十四日

公事須俟恭邸廿六七銷假會議尙說不到及身但聞
言午並未保清泉作替

天津沈子枚觀察來電 八月二十九日

聞三大端尙乏著手處曾反復面陳於斯三者爲
根腳窺相意亦重此三端然非彼人彼款無一可
成公旣難抽身宜稍回翔旬日俟晤相商定或可
大氣盤旋邇日議否及緊要聞見盼密示

張香帥來電 八月二十九日

會議若何念甚速示甯鄉煤事十七日接尊電卽刻五百里排遞湘省尙未得復聞有委員來看機器與國鉛鑛前數日已批准

王夔帥來電 八月二十九日

接廿六電頗有機緒恭邸昨已回城否何日會議希隨時電知大槩傅相精神甚好此間休息旬日亦深盼尊處消息也

鄂督張香帥來電 八月二十九日

蓮筋初以母老辭兩次託袁爽秋敦請已允赴京須先回家料理行裝廿八日自滬返青浦重陽前

後自滬動身做處現專人賞書幣赴青浦並派舍
姪彬自滬陪送北上約定封河前十日出京請尊
處速派輪迎送到津後換輪入都並電商局照料
尊處可再致陳君一電方爲接洽並祈先達高陽
又 八月二十九日

合肥到津後於鐵路事作何議論祈示

寄鄂督張香帥 八月三十日

鈞電已抄送高陽並電滬津商局派輪迎送照料仍致
電蓮舫接洽傅相重陽左右到京初三會議後能否定
奪容再續稟

寄武昌惲菘翁

八月三十日

興國礦差重要望遴派幹員接辦感甚邸諭初三赴軍務處面議傅相重陽前後到京江甯初二復奏只看此機

寄鄂督張香帥

九月初一日

今午高陽函云香帥來電心感曷極現諸症漸平復惟起跪未便現擬初八銷假遵舫卽無須北來望速電香帥代達謝忱等語宣午復往見確比十八大好復述憲意陳已允來可資調理並不費力高陽云現服方藥甚合陳來無可更易促令電辭乞憲速電青浦暫止陳行

又九月初二日

夔帥電稱傅相精神甚好在津休息旬日亦深吟宣處
消息云宣去電尙無復軍務處明日會議約初十邊可
復奏

寄王夔帥

九月初二日

頃張樵翁云初五日本核准商約送京該領事如請借
小輪乞准借給明日會議後再當詳稟昨高陽病大愈
擬初八銷假

寄武昌惲菘翁

九月初三日

昨前途頗想一箭雙雕而懿親不謂然事定後大約以

應升記名而已正事已詳帥電

寄王夔帥 九月初四日

江電已詳會議事項見琴川大槩已定初六總署會奏
准設鐵路總公司先造蘆漢幹路蘇滬粵漢等處亦准
該公司次第議請展造不再另設公司惟粵路摺內漏
敘應將香帥八月初九所擬之會電卽日由津補電總
署以便敘入總署疏內較有根據查香帥佳電宣帶來
京其略云建造鐵路乃創辦之舉粵省通商最早粵商
於創辦各事較他商敢爲而資本亦厚此次設立鐵路
公司若准其帶造粵省鐵路則招集粵商較易而蘆漢

長路可望早成前發摺後盛道在滬採訪商情始知粵商必欲兼辦粵路方願入股除由盛道面稟一切外特此電商是否可准祈鈞裁云昨宣呈說帖已照准祇須補此一電以作過脈請補發後電鄂查照

張香帥來電

九月初一日

杏翁會議後何以未發電路事如何官事如何勿

吝詳言也

寄夔帥

九月初五日

總署會稿已定將宣說帖進呈所請補發粵路會電可不發矣

張香帥來電 九月初五日

蓮舫係多方勸勉始允北行初二專人持書幣往
青浦并遣舍姪名彬字黃樓在滬相候計今日專
人已到青浦約初六七可偕陳到滬如高陽初入
果銷假望隨電示知以便止其北上並望一面電
上海商局轉知黃樓婉告陳君此時高陽尙未銷
假未便阻之擬仍照前議送其到京到時高陽已
全愈固好如未復元不妨令其一診方藥用否候
高陽裁酌在京少住數日再送回滬似較妥順此
時不必告高陽

寄武昌督撫憲王藩台惺臬台瞿道台 九月初五日

頃鄭道來電襄水盛漲天氣陰晴不定再漲三尺恐泛隄已照會漢陽縣派人巡守黑山隄又飭鄂委員汪弁防守東西長隄云襄水再漲三尺是意中事印委巡守恐不足恃乞速派精能委員會同營官帶隊備料駐隄防務礮鐵兩廠關係至鉅百密不容一疏諒蒙鑒納除電鄭道會籌外

寄鄂督張香帥 九月初六日

高陽初七下園子初八擬請安姑看初八情形再電稟滬局來電蓮舫已回里暫止候信

寄夔帥香帥

九月初六日

署奏留中初七下園子諒須取決於

慈聖約十二

回城揭曉

天津李中堂來電

九月初九日

兩電及夔處說帖均悉恐願大難成園內當有定議

川督鹿滋帥來電

九月初九日

萬縣局員徐熾事多玩誤又謀充川省土稅以致短收甚巨照章題參請即將局差撤去迅委妥員接辦爲要

鄂撫譚中丞繼洵來電 九月十一日

比卽行文照辦頃詢各省隄尙穩固堪慰盡系

武昌惲菘翁來電 九月十一日

記名當已揭曉賀賀清泉初冀使節南皮處曾呈
許函繼而游移現則決絕專盼開府或調優缺有
消息否高陽銷假後見否合肥如何安置均乞密
示莊電照轉餘查復

寄夔帥香帥 九月十一日

總署傳 旨十三預備 召見諒須 召對後再行揭

曉

又 九月十三日

今日 召對尙稱 旨另錄呈覽

寄成都督憲鹿滋帥 九月十三日

徐熿謀充土稅並無稟報司局亦未移行以致失察甚
疚今已遵諭撤差另委工程委員貝光泰就近接辦除
詳報外謹聞

寄武昌惲菘翁 九月十四日

十三 召對一鐘之久 天顏甚霽十四 上諭改四
品京堂候補受寵若驚飲水思源皆南皮也亦皆公也
他日任事之難仍惟公左右之

鄂督張香帥來電

九月十五日

特簡榮遷鐵路事事照議欣慰之至現議從何處
辦起是否先辦漢口抑兩頭並舉擬何時出都年
內想須回滬合肥於此時有何議論祈詳示鐵廠
免稅事想已議及并示

武昌惲菴翁來電

九月十五日

榮轉京卿大喜欣賀

王夔帥來電

九月十五日

大喜欣賀豎起脊梁立定腳拓開眼界放平心二
語可以持贈銀行事曾爲常熟提及晤時可一談

武昌譚菴翁來電

九月十六日

今晨謁帥出示說帖讚歎不已並以公改京堂極
爲欣悅惟言彼事均如願我所託他一節現在身
居局外更可爲力清泉究以出使爲宜 詔下豈
有辭理屬電致我公仍照前議極力圖成將來同
心辦事毫無隔閡裨益甚大等語鄙人微露養親
不便帥意拂然當卽派輪令舍弟赴常迎接相待
如此情形姑不乞養只可暫時留此昨電請置之
勿議常熟尙書前并乞密陳如有端倪請公面陳
香帥以慰懸望

又 九月十六日

親見大喜記名揭曉否前途自言又有使英之說
熱中殊甚果照與使牌子未必肯辭但恐樞譯無
此意耳公總須一氣呵成早握事權方與厥路有
益請速籌之

寄王夔帥 九月十七日

望電勉勗十四字當書銘座右銀行事十五常熟已面
奏飭擬辦法傅相亦催議

寄張香帥 九月十七日

昨謁高陽謂初八赴閩兩處跪皆扶掖而起賞假一月

諸恙已愈惟腿似木難跪拜今日起服鹿茸陳蓮舫可
勿請病可醫老不可醫云前鈞電仍擬送陳到京遵未
告知高陽請即電商黃樓兄婉告蓮舫似來否皆可聽
之

直督王夔帥來電 九月十七日

琴川復書現因鐵及銀連類相濟擬以官本一半
輔之俾羣情鼓舞等語似此事必有成訂章務期
周密超以象外得其環中斯臻妙境望密存之

武昌惲菘翁來電 九月二十四日

尚善垂念烏私允出全力感且不朽首座處可否

先期定議免致臨時費力請公再爲力求倘此缺
不能母子相依寸心迫切難得仲爲鮑謀總之委
曲圖成是所叩懇

寄王夔帥 九月二十七日

效電呈琴川閣因有垂詢練兵之 旨琴川令附呈銀
行學堂兩事昨已交議鈔稿寄呈廿八請訓約初五六
出京部撥款原議五年爲期總署鈔奏有無筆誤已託
查

王夔帥來電 九月二十八日

前電所詢三年後或五年後係說帖內分作廿五

年歸還之上一句鈔奏係樞廷非譯署來件未能
明晰希再核復須待此行文也

寄王夔帥

九月二十八日

頃向總署查明原說帖係五年之後奏稿內亦確係五
年鈔作三年或是筆誤

寄王夔帥張香帥

十月初六日

頃常熟面告諸事均已妥定祇候兩帥來電聲明銀行
與鐵路互相維繫應歸一手便可敘入覆奏至八董招
股五百萬只說在鄂面議不提宣奏暗合道妙云云謹

聞

寄直督王夔帥

十月初七日

頃常熟面留初九早出京 上意在必行允將鐵路撥款先發以足其氣鈞電只須暗合道妙樵野又來催詢立待敘奏並乞飭借仙航前來一拖俾得早聆 慈訓感甚

王夔帥來電

十月初七日

鄂電回極言發議無根並錄示復尊處電意甚鄭重無根之說誠然若由鐵而銀連類而及則初議出自兩人續議不能缺一仍密商常熟能徑復固妙必欲以外議作證請卽專電致詢便可會商照

復惟總須在京稍候數日事在垂成務望息心靜氣以顧大局勿躁急也

寄夔帥

十月初八日

兩電謹承勸勉大局爲重鄂中不明商務次第銀行果屬他人鐵路何能招股幸首座融洽琴川主持定議否則敗於垂成矣宣卽稟辭初九赴蘆溝橋勘定路工起訖處初十赴通十一早開

寄直督王夔帥

十月初八日

常熟言七月前捐款五十萬已將用完敬止翁尙欲內提合肥言師擬將以後海捐分撥北洋係局內尙不能

撥南洋恐更難可否請照十四 廷寄迅速奏明將八月後海捐指撥鐵路免再更變感禱莫名乞速復

直督王夔帥來電 十月初七日

刻接南皮陽電鈔示續致尊電爲大局計爲老弟計語長心鄭重可敬亦復可感似宜將原電轉陳當道卽請酌核施行鄙人手弱識淺於此深愧弗如望勿以一時感奮竟爾一往無前也至囑至要又 十月初八日

直庫搜掘殆盡海捐集成五十萬談何容易鐵路搜羅及此本非意料所及現永定河工卅萬係於

初九日奉 旨准撥近日戶部又撥津蘆十萬所
存無多而淮餉各省短解萬不能支因奏請將聶
軍改歸部餉如不能准請將嗣後津捐撥抵淮餉
尙未奉部覆蘆漢五十萬既經奏准自無更變之
理惟聶軍如准改部餉則津捐先儘蘆漢自可奏
明若議准第二層則蘆漢五十萬祇可分年勻撥
不能停淮餉而儘蘆漢也萬一第二層俱不准則
一請再請必期邀准而後止實偏處此不敢避再
三之瀆也承詢縷述銀行事如何定議仍隨時電
知

又十月初八日

香帥陽電關係極大務宜息心靜氣一再思之前
電謂須超以象外得其環中固不可不在環中卻
不可不在象外事非偶然不憚再三之瀆望察之
直督王夔帥來電 十月初九日

庚電慰悉此事如此定局恰如所願但交片尤不
著迹當軸煞費苦心矣總董奏片中已露端倪想
不待外求也

寄武昌惲菘翁 十月初九日

清泉探各堂語氣吉音尙早否則公豈赴浙弟初九出

京

又十月初九日

接電已轉呈致謝繆公之側無人頗覺危慮有無留鄂之法

又十月十一日

卦電稍慰鐵路非銀行不成帥所深知幾至中變全局盡隳此後弟成一事實帥成之公去弟時往來恐有間者帥如留公公須譬如緩升數月以待量移勿亟去鄂

鄂督張香帥致直督王夔帥電 十月初十日

盛庚卯電云鐵路官本須待招股借債後方撥給

北洋存款已用完南洋存款無回信此數節卻甚要緊公似須爲籌之弟交卸南洋時瑞記洋款實存上海道署二百七十萬兩以二百五十萬辦蘇滬鐵路以二十萬充出洋週歷經費均有奏案內有二十二萬係墊付上海紗機價將上海寶山兩縣新查出沙灘地變價歸還此項灘地弟在署南洋任內確已查出一千餘畝均有奏案上海道及上海寶山兩縣松海防同知處亦均有案若按目前時價變賣以抵有盈無絀均已有入出價若待淞滬鐵路開工後再賣值五六十萬若上海道認

眞清查再添數十萬之地亦不難以上數目案據
皆字字確實若新甯到任後或以他事挪用則不
敢知矣特詳布並望轉杏蓀一閱

寄鄂督張香帥

十月十一日

奉佳二電銀行但准商辦之請已出意外初擬發三百
萬官本因無大帥助力不敢獨肩南洋二五如再活動
造軌亦無款可墊似須將籌辦大局情形先叙一摺到
津與夔帥商後回滬再與商董妥議擬稿呈候鈞裁銀
行各摺片已鈔寄

鄂督張香帥來電

十月初十日

陳中丞函甯鄉煤原勘之鑛難施機器用土法日
可出百噸新得小花石一鑛尤佳可用機器運道
亦較捷卽將煤樣送鄂化驗並催閣下派司事帶
華匠來辦湘中電綫料已購齊鐵廠免稅摺初八
已達

寄張香帥 十月十一日

鄭道漾電甯鄉煤不合煉焦化驗單已稟復右帥王恂
函述鄺榮光云湘山亦無好煤只有萍鄉旣好且多正
在焦慮欣悉新得小花石鑛煤佳運捷祇候煤樣化驗
未知沈藹滄長陽白煤如何湘綫已預備似須給一公

愚齋存藁

卷九十 補遺六十七

三 愚齋補樓藏版

贖現敘鈞電咨行

張香帥來電 十月十四日

湘綾已由陳中丞咨達沈煤無信松雲侍養情切
不可更留

京李季高京卿來電 十月十二日

奉嚴諭招商銀行似不如中華商會銀行商會即
公司別名較爲大方希酌又昨與常熟面商尊路
應准接至看丹爲便

寄北京李季高 十月十二日

文電甚感商會二字甚新

北京李傅相來電 十月十二日

湯謨孫初九復電鐵路工程師格羅孚德諳練勘估造路造橋造山洞品學兼優結實可靠歲薪三萬金洋一切在內如果僱用西曆十二月初一日卽中曆十月二十七日可啓程云可否僱用卽酌示轉復三萬金洋合華銀約四萬

寄北京李傅相 十月十二日

鐵路工師歲薪四萬似太鉅只得緩議

寄武昌惲菘翁 十月十五日

凌觀警欲得七八千米價昂貴麻袋價漲津沽潞河水

淺駁力繁費斷做不到已電復不與聞頃局董云恐觀
營自辦竭蹶時又欲與商局麻串不如包辦包交兩邊
省事須將領款及免稅護照交我彭寄滬詢其貼費則
云須請示領款日期如能速領可扣六數祈轉商速復

北京李傅相來電

十月十三日

湯謨孫所薦監工歲薪太昂似可酌減定一薪數
詢其願來否

愚齋存稿卷第九十

愚齋存稿卷第九十一

電報補遺目錄

寄京戶部

寄京翁尚書同龢張侍郎蔭桓

寄津督王夔帥

又

北京李傅相來電

又

寄北京李傅相

寄北京翁韋齋太史

愚齋存彙 卷九十一目錄

北京戶部來電

寄廣州專送伍星使廷芳

寄鄂督張香帥

張香帥來電

又

又

寄鄂督張香帥

又

寄迪化饒中丞應祺

鄂督張香帥來電

寄津王夔帥

寄京戶部

江督劉峴帥來電

香港伍秩庸星使來電

寄伍秩翁

北京李傅相來電

寄李傅相

川督鹿滋帥來電

寄鹿滋帥

總署來電

寄總署

寄李傅相

吉林延將軍茂來電

鄂督張香帥來電

寄香帥

寄吉林延將軍

寄張香帥

又

寄北京總署

寄直督王夔帥

鄂督張香帥來電

又

寄張香帥

又

又

又

寄直督王夔帥

又

直督王夔帥來電

寄王夔帥

鄂督張香帥來電

寄香帥

直督王夔帥來電

川督鹿滋帥來電

寄鹿滋帥

寄張香帥

又

又

又

張香帥來電

寄張香帥

寄北京李傅相

鄂督張香帥來電

寄北京李傅相

李傅相來電

川督鹿滋帥來電

寄直督王夔帥

又

京局馮志先來電

寄馮志先

惠齋有稟

卷九十一目錄

四

寄京翁太史斌孫

北京總署來電

總署寄鄂督電

寄王夔帥

京總署來電

寄總署

王夔帥來電

寄北京李傅相

京電局馮志先電

北京翁韋齋太史來電

津督署夔帥來電

北京李傅相來電

又

寄北京翁宮保

北京李傅相來電

寄李傅相

寄京翁韋齋

津督王夔帥來電

寄夔帥

寄李傅相

寄京翁韋齋

京電局馮志先來電

寄馮志先

寄京翁韋齋

寄京李傅相

京李傅相來電

又

津督王夔帥來電

津督署王夔帥來電

又

寄津督王夔帥

又

又

寄京韋齋

寄津夔帥

又

李傅相來電

寄京李傅相

直督王夔帥來電

寄京李傅相

愚齋存彙

卷九十一目錄

六

寄京李傅相

京電局馮志先來電

寄津督王夔帥

天津巢令鳳岡來電

寄津督王夔帥

寄長沙陳右銘中丞

鄂督張香帥來電

寄張香帥

寄王夔帥

津督王夔帥來電

寄夔帥

寄川督鹿芝帥

川督鹿滋帥來電

寄鹿滋帥

川督鹿滋來電

寄長沙陳右帥

愚齋存稿卷第九十一

電報補遺六十八

寄京戶部

光緒二十三年正月初五日

銀行已遵

旨選擇殷商設立商董開辦章程另由電

局錄呈各商董因俄行有官本五百萬華行亦應酌撥
方足取信現在商股已招二百五十萬擬請酌撥規銀
一百萬兩作爲存款包繳年息五釐餘利照原奏另行
報效似此公中有利無害而華商之氣可鼓不致貽笑
外人可否請大部奏明速賜飭撥再行呈送銀行領據
寄京翁尙書同龢張侍郎蔭桓 正月初五日

江電傳示各商董同深感佩遵已公電大部乞電滬關
撥解前擬牌名中國通商銀行未奉署復如可用求電
示並叩新禧

寄津督王夔帥 正月初五日

美商初議包辦已力止其同來美工師本領甚高擬商
訂先令勘估全路俟勘畢再酌議華士賓暫赴日本尙
擬進京彼等以爲進京好說話也比國亦有銀行人來
議擇善而從一面開造一面借款庶不爲所挾亦不擔
擱工夫已電總署勘路委員已商香帥會委

又 正月初五日

花農密函云燕謀想做官欲將開平請花農接辦稟商
可否煤礦爲鐵廠鐵路輪船根本合爲一家於公有益
去年燕謀面商請宣會督如歸花農藹庭可期沆漉一
氣鈞意然否乞密示

北京李傅相來電 正月初五日

雇華工師勘全路將來或肯入股五年必成切勿
失信官款千萬易行銀行百萬已允只要公電請
黃公度謂張招南洋股恐不可信羅俟過坡再定
果彼能集巨資或可暫留

又 正月初十日

英國格勒斯科地方初四來電廣東漢口鐵路事宜可否候僕來華面議妥善辦法祈電復云其人名德那爾不知其詳未便率復姑照轉致

寄北京李傅相

正月初十日

日來英法俱來議債大概照英德所借國債難再輕減不過易海關而以鐵路作保摩賡亦在議列德那爾既不知其名姑聽之

寄北京翁韋齋太史

正月十一日

來議洋債甚多大概不離英德國債之譜昨已派員同美工師勘估全路必須勘有圖說估定價目說出利益

方能招股擬先將辦法赴鄂商妥會奏招股借債均有把握擬分段開辦總不出五年必可完工但須王大臣主持定議不可絲毫搖惑乞代陳

北京戶部來電 正月十一日

銀行存款年息五釐已奏准由提存滙關百萬磅內撥規銀一百萬兩收到電復速將領據送部

寄廣州專送伍星使廷芳 正月十二日

做處洋務參贊擬請何啟如公以爲然乞代勸駕公原許薦賢華人按律例公之外只有沃生聞其有志時務諒公樂爲推轂望電復

寄鄂督張香帥

正月十四日

爾立樞等議明白漢陽鐵廠起勘至保定止全路測量估工由天津航海回滬呈送圖說聽候核辦頃接會稿勘至黃河南岸止恐過河後印委不知照料現既以汪牧代沈令擬請更正另辦會札咨行乞速賜查照

張香帥來電

正月十八日

願電允墊宜施賑款二萬感甚謝甚實收二千卽寄截漕一節尊籌極善前因恐變價爲難故未議及茲聞竣道言目前變價不致虧耗原領款可收回等語特奉商如目前各款可全數收回則賑務

可墊巨款祈速示復

又 正月十八日

十九日即出奏稿即寄鄂省有火柴商廠其紗廠
絲廠皆係官商合辦布局有商股五十萬既有商
股商人即可懇請請速電盛守令鄂省紗絲布柴
四廠商人具稟其各省諸商由尊處酌辦即望速
復

又 正月十八日

前接專電並未言勘全路且言明五個月可畢竊
意期速必路短故此大會札只言勘至黃河南岸

茲洋工師既議勘至保定既當另辦會札將張汪兩員更正惟黃河以北至保定一段路必須直隸督院主稿會委且必須直隸督院擇人若湖督委人不惟狂妄可笑抑且窒礙實多應請閣下速商夔帥遴員會札爲幸渡河尙早儘可從容詳選也總之汪牧喬年必令隨同將全路勘畢張令延鴻如期速則可遲則恐難終局俟到省與該令商之如該令不能抵保定只可另擇一員弟當一面詢選請台端亦加詢選湖北官尤宜一兩日內迅速電商定議會委卽使張令能往直隸亦須添員再

此役是否將來可請獎敘有則從公者鼓勵所酌示

寄鄂督張香帥

正月十八日

美商因欲勘估全路並察看生意能否興旺再議借債章程其洋東在華守候此行只以兩三月為限故爾立樞到漢亟欲起行乞速另辦勘估全路會札催張汪速行好在夔帥本已會銜惟慮過河張亦不熟容即電商夔帥添派一員同勘並有人在直界迎護過河張欲先回亦無不可請獎一節工竣後似可酌辦

又

正月十九日

鄂漕詢商董米已購齊運出變價虧耗無多惟入奏時
須請聲明變價以免關卡阻運其銀約六個月繳清此
舉活人無算特勸諭商人遵辦

寄迪化饒中丞應祺

正月十九日

喀電局請卽就近札委徐令昭明接辦除咨行外敬復
並叩春禱

鄂督張香帥來電

正月十九日

並致王夔帥

直隸派勘路之員至少須兩員緣此等事明習者
少明習而兼熟悉沿途風土者尤少難免不偶有
疾病事故設或半途中廢或下次插標不到仍無

益矣且藉此多練出數員通曉鐵路之人才亦甚
有益薪水多數百金細事將來損益總以數十萬
計爲期既近敵處仍飭張令到保定後航海回並
再遴選一湖北本省人同往直隸委員務須接至
黃河北岸迎護始便會札卽發請夔帥杏使同鹽
示復

寄津王夔帥 正月二十日

昨請派直隸一員在直界迎護洋工師頃香帥電請直
隸派兩員在黃河北岸迎護乞照辦但欲練出通曉鐵
路之人才恐難其選黃遵楷廿一赴鄂同行

息算有彙
卷九十一
六

寄京戶部 正月二十三日

頃由滬關解到銀行存款百萬總董會議暫存滙豐德華道勝各銀行所得之息仍繳滬關俟三月底開張時提存中國銀行照議生息即行取具領據送部除咨呈外謹肅聞

江督劉峴帥來電 正月二十四日

吳淞昆連上海年來地價日增電示分段分等定價既與印委體察商定自必允協應照尊議辦理
香港伍秩庸星使來電 正月二十六日

頃返里抵港接文電欣悉公擬請何啟即與他談

力勸就聘始知公已囑輝亭代訂三年月薪五百
兩惟乞滙借三千兩為捐職治裝用因景况不豐
幸公代墊則感初無既公素慷慨諒允從望電復

寄伍秩翁

正月二十七日

何啟借款到差後保舉尙易不必捐職港滬甚近不必
治裝聞公已送銀若干既承推轂乞許緩還此間於薪
水外礙難支或酌借薪水按月攤扣尙可商酌

北京李傅相來電

正月二十八日

小辦如催礦師與華人夥辦之類摩若不願來京
亦無益應告知羅銀行署電榮未預聞昨忽有條

陳所駁斥者要加嚴密有裨於公已咨令議復

寄李傅相

正月二十九日

勘電當併告羅頃摩遣書啟來云不能不進京出京擬
赴黑龍江欲便道往觀徐宋各礦請給一函答以說破
看礦恐地方阻止如自往遊歷到彼得見礦主可與面
商仍俟晤羅再定

川督鹿滋帥來電

正月二十八日

川省夔巫災重與鄂省施宜同昨經任道電懇尊
處提倡義賑想佛心大力必能全拯數十萬災黎
功德無量除本省力籌拯救外專懇餘詳任道電

再川電款本息用存各若干祈早詳示爲禱

寄鹿滋帥 二月初一日

鈞電夔巫災重已傳諭公所據稱義賑已無可勸獎捐如照鄂省外辦章程一五折或可勸辦未知川省能援鄂例否川電款本息用存若干即當查復

總署來電 二月初三日

美使函稱鐵路總公司欲購火車曾屬美商詹美生畫圖開價乃不與訂定持圖示他商議辦殊欠公道請仍與詹美生訂購云希酌

寄總署 二月初三日

鐵路買物皆由總公司開單發交各國洋行訂期開標
斷難憑一家之說定購以免喫虧而彰公道火車因帳
寄外洋約須四月初開標詹美生畫圖並未寄到乞轉
復

寄李傅相

二月初四日

羅與摩根說明到京游歷決無需索已詳羅電矣

吉林延將軍茂來電

二月初五日

此次陸漢章採運電桿請諭傳車難免騷擾去年
張牧修線運桿自雇民車小工不擾地方應請仍
飭該牧辦理除另備咨文外合先電達

鄂督張香帥來電 二月初五日

宜昌施南需賑米萬急省城已設法購米不少奈無輪船運往招商局以客貨多不肯裝與之議明水腳照給亦不肯焦灼萬狀賑米爲民命所關且給照水腳何以不裝如云商局以客貨爲重此卽客貨之一請電飭漢局務必裝載不可推辭如以米占船位較多卽加給水腳亦無不可快利明日到漢務祈今日卽電復恐漢局先接他貨也切懇

寄香帥 二月初五日

賑米已轉電漢局設法速運足慰憲廑

愚齋存稟

卷九十一

九

九

見補遺

寄吉林延將軍

二月初六日

前因局員脩線不實旋脩旋壞近來各省均派領班學生脩線較爲工堅費省此次重脩吉林至琿春交界線路特派領班陸漢章趕緊脩理今蒙鈞諭傳車難免騷擾自應遵飭張牧自雇民車小工不擾地方惟脩線工程仍歸陸漢章辦理乞轉飭張牧遵照爲感

寄張香帥

二月初七日

美國上議院紳士華士賓來鄂求見請賜接晤

又二月初九日

江電轉津後頃據電稟所辦糙粳須春白方能變價所

限半年實不爲多今蒙諄諭適當趕緊變售隨售隨繳
決不敢索息云數少事尙易辦惟撥工賑恐不能救老
弱從來以工代賑徒有其名聞三郡餓斃甚多已力勸
嚴佑之親往嚴非鉅款不辦乞鈞裁

寄北京總署 二月初十日

頃博來接俄使電云俄國允將由中俄電線傳遞各報
之本線費及過線費減爲與大北水線傳遞者一律等
語有此俄電平分合同電局即可簽字惟十八年中俄
電約係 國家所定平分之事又經俄署赴鈞署言過
似仍須由鈞署知會照辦

寄直督王夔帥 二月十六日

奏稿擬親自帶鄂商辦並未先寄實抵本覺爲難只密
與師籌並未電鄂頃接香帥咸電知師有電去所言比
款亦是宣所訂議其銀行人三月內可到凡借款兜攬
時空論無不容易及議條款必有要挾香帥似看得太
易

鄂督張香帥來電 二月十五日

承派快利載米感甚惟續購未運之米尙多四川
飢民流至宜昌者已經數萬不能坐視致生變故
奉節土匪已起拒敵團丁大甯鹽梟聚眾滋事川

省已請兵勦捕皆飢民也以後順流入楚者不知
凡幾此時不惟救災兼爲防亂本日與司道籌商
皆云惟有江寬江窄兩輪喫水七尺餘兩日來江
水已漲五尺足可上駛可否酌派一輪專裝米一
次水腳多少在所不計應請酌加惟命是聽總之
不令商局受虧如有虧賠鄂省均認特此奉求抑
或別有良策均望示復

又 二月十六日

咸電想達頃聞四川夔府奉節飢民滋事消息甚
緊客販不能上運客販既少大可多運賑米若有

變故不特關係大局亦非商局之利務望迅電商局切飭此次快利到漢專裝賑米務裝足八千石至禱盼復

寄張香帥 二月十六日

咸諫兩電同到另派江船期不能速已遵諫電卽飭快利此次到漢裝足八千石夔宜一帶飢荒日甚大府胞與爲懷似必須准令嚴作霖前往拯救海內聞風自有資助從前各省辦賑均有不期然而然者是在大府一念之轉移耳

又 二月十七日

比使來電彼國銀行人准三月十五六到華係去冬在京面訂也此間英德議四釐半九扣法議五釐不扣美議四釐九扣要挾輕重不一總之不能不干預憲台與比領事所約五條均屬扼要實深欽佩遵俟比人到後擇善而從

又 二月十八日

示式奉到但聞洋人在通濟門外買地不少恐佯作不知倒填年月仍可再買乞飭關道照會領事傳知洋商教士一體遵照院示辦理錫樂巴云凡鐵路需用之地均照官價買回此次預先告知中外人等自然不禁而

禁乞速與蔡道商辦

又 二月二十二日

三姓金礦如能派袁大化接辦必得力但恐延帥不以爲然乞與大農商之

寄直督王夔帥 二月二十二日

屠敬山言恩帥奏漠觀金礦頗以周冕辦事無常語多不懌已密告該守專力辦好已成兩礦勿再多出主意宋春鰲辦三姓甚不得手袁大化才具可用但恐延帥不釋前隙耳

又 二月二十四日

黃遵楷等初三孝感來稟請北洋委員攜帶直隸地圖
在黃河北岸守候咨文係勘至保定爲止美工師精於
橋工伊亦願勘至盧溝橋爲止請加札潘守葉牧到保
定後仍勘至盧溝以定全局

直督王夔帥來電

二月二十五日

頃接香帥電以賑米待運孔急屬切商吾弟務飭
快利往來專運並撥一大輪協運數次水腳儘可
酌加情詞迫切之至能如所請固好否則亦望商
同子枚另設一法據云專爭運米之遲速定活人
之多寡知仁人必有同心也

愚齋存彙

卷九十一

系列之二

三

寄王夔帥

二月二十六日

宜昌賑米已商定快利與怡太船均可搭裝因三公司
船挨期輪走一船專裝不及三船搭裝並另派江寬初
一到漢專裝數次上游水淺大船亦難重僦事關賑務
無不盡心

鄂督張香帥來電

二月二十六日

頃據蔡道稱此次快利只允裝五千石因滬電無
八千石明文不敢多裝等語現上游需米如此之
急運米水腳又照客貨發給現銀商局有固陵可
附客貨快利仍不肯裝足八千石眾論定必譁然

務請明切電飭漢局派定快利專裝賑米至要至
禱船價鄂付現銀已發萬金交漢陽府余守隨時
給價斷不記帳蔡道又云江寬事漢局尙未接滬
電江水至淺處一丈餘荊州道電天心洲一丈五
尺洋行小輪機弱不能行遠茶剝方頭難拖且僅
四百石等語查快利一輪雖裝足八千石尙嫌遲
滯必須兩輪江寬暫走宜昌早知有關三公司分
帳但既發現價商局當不致受虧民命所關想台
端仁惠爲懷必以迅速拯救爲念也請一併電飭
漢局俟江寬到漢一准派往運米爲感盼卽電復

寄香帥 二月二十六日

夔帥轉電催船江寬廿七開漢望預備初一裝備上游
水最淺處有十尺須雇領港江寬可多走數次

直督王夔帥來電 二月二十六日

勘路委員已加札飭遵汝南務外太甚本題轉致
拋荒此間迭有所聞不獨屠敬山言之也前十日
曾電屬數語與尊處密告語吻合而至今無復將
軍嫌隙之深殆不可復解心竊慮之此局煞有關
係非僅爲北洋爭門面也

川督鹿滋帥來電 二月二十五日

前寄日密本閱申報尊處銀行條議內鑄銀元一
節蓋籌周密敬佩之至現仿照甯粵各省章程購
機設廠機器已到滬運川卽開辦將來貴銀行須
鑄銀元及角子亦望分撥來川代造川省銀色較
高當嚴飭加意鑄造一俟開鑄卽寄機前來可否
乞示復

寄鹿滋帥 二月二十七日

川中亦設鑄銀局以杜洋銀侵灌甚佩通商銀行將來
成都亦擬分設隨時鼓鑄就近通用官商兩益銀行集
股五百萬川中官紳如有願附股者尙乞代爲招徠

愚齋存彙

卷九十一

補遺六十八

五

寄張香帥

二月二十九日

公和擬先與康侯商酌宣本擬卽行因張樵翁廿九由
津來滬有事面談俟晤後卽來鄂比人十五六到准令
到鄂會議

又 二月三十日

電示漢米待運九萬八千石快利江寬三月內斷難運
完三公司前議快利及怡太往宜便船每百斤一錢二
分以三萬五千石爲率現議商局特放江寬又向怡和
代雇福和均每百斤二錢川鄂一律今晚候示福和初
二放漢可裝七千五百擔

又三月初一日

福和初二晚開漢江寬初一早到初二三必可開宜惟慮各船到宜過載民船耽延乞電飭宜昌賑局如民船不齊備務先起岸速卸速開

又三月初一日

沙市局稟十九線阻查至潛江縣界三岔河被人鋸去電桿三根電線百餘丈已星夜往修上年沙市一帶時有鋸毀曾請通飭緝辦近來重夔宜荆時常鋸斷脩不勝脩實堪焦慮乞再嚴飭查緝爲感

張香帥來電 三月初一日

昨據趙俾兩道來電云宜紳暨川商施商宜商各幫到賑局稟請災廣米少慮飢民缺濟生變阻道路且妨資本現在情形運米急於運貨情急籲求飭輪速運等語職道會同府縣傳集三公司管事人並將紳商稟交閱陳說利害勸令快利固陵昌和沙市四輪專運賑米各三次水腳照付不過一月竣事三公司均稱善舉電請漢滬局示查商貨暫停稍出棧租將來可增價獲利向來水漲水涸時常有停辦之貨今一律議停各商無爭先落後之慮又電云外間謠傳快利到此宣言此後不裝

賑米川施宜商民譁然並聞有輪不裝賑米到岸
卽燒之謠職道等慮有匪徒煽播已告營縣密查
派人在漢街梭巡等語當飭蔡道與漢口三公司
領事及各幫切商頃據復稱八幫總首云現貨不
多英領事已電上海總領事協助稅務司亦照電
滬矣等語前承派江寬快利又雇福和已極感謝
惟現在上游民情洶洶宜昌已將大小民船全封
只准運米上駛客貨不能上運可否再商三公司
專運賑米三次水腳照尊議每百斤二錢或稍貴
亦可聽彼自酌照付現銀並言招商局已允照辦

至懇至感祈速示復

寄張香帥 三月初三日

昨派人持卅電詢怡太謂未接信頃怡太已接領事信
允爲照辦矣

寄北京李傅相 三月初五日

銀行股分二百五十萬本已齊集駁詰文到紛紛謠言
謂此行辦好官必苛求無已退股者不少華商難聚易
散師所深悉初一已逐條呈復頃又電署萬不可再有
挑剔以後洋務商務必須師力爲主持庶免隔膜若隨
波逐流外間何以倚恃如能迅賜核准四月杪或可開

辦

鄂督張香帥來電

三月初四日

三電所稱潛江一帶電線電桿屢被盜鋸實堪痛恨已通行嚴飭查拏重辦妥爲保護矣惟各電局事前既不勤加梭巡事後又不卽稟報久延不脩迨要電貽誤乃云線桿被竊不通亦屬玩忽令人氣悶請嚴飭各該電局隨時按段勤加巡防凡遇線斷立即專電將線斷緣由稟報以憑一面責成地方官緝辦並一面催令趕緊脩理

寄北京李傅相

三月初六日

美人勘路初一抵黃河華士賓赴日本借款稍有頭緒
比人有約當候比到再議頃晤峴帥有退志

李傅相來電

三月初七日

駁詰文已刪原議不少俟呈復到當核准原議似
半由匯豐唆串如辦理腳踏實地毋惑人言美得
倫好戲馬切誠之

川督鹿滋帥來電

三月初十日

現擬造瞻對電線已派雅局領班范春芳前往勘
路此線約須設兩局應用領班擬飭調渝局王烈
英陝局秦綦根併請電飭秦綦根先來川以便暫

令代理雅局領班其王烈英可俟瞻線開工再飭
前來尤感

寄直督王夔帥 三月十二日

勘路洋人初七到衛輝葉溶光已在北岸迎着漢口起
處德美兩工師勘估意見相同頃與香帥商定擬派德
工師監造漢口第一段先購地秋後水退開工

又 三月十二日

昨晚抵鄂晤香帥將撥款奏稿及另擬徑請援照津榆
京津免稅片稿送請核定香帥面議趁此洋債將定未
定之時奏請最妥日內即擬繕發如有見諭之處乞速

電示

京局馮志先來電 三月十四日

昨翁宮保將姪招往面囑轉電姻伯云銀行務速
開辦恭邸並無成見日前總署電仍榮相意可置
不理如此時不開辦卽恐不成等語定有開辦日
期請電示又詢鐵路借款已有頭緒否聞各國頗
有笑我之意以爲決借不成萬一借款無著則公
款千萬亦難恃招股已否定章約能招若干囑爲
詢復因聞金達云路已勘齊惟不發款深虞中輟
故甚代慮又云佑孫承允派差甚感惟因事太露

面不得不避嫌如能暗藏爲妙仍懇設法又云有
一世姪王姓人甚樸實書法極好欲謀一鐵路司
帳等事志願不大囑爲代探如可位置當再相託
以上各節宮保因不願直達故令姪轉稟詳細諭
知以便轉復李福明聞恭邸已面告榮相速派人
密拏矣並聞

寄馮志先 三月十五日

常熟面諭各節謹悉銀行一駁通國皆知商股退去六
七十萬總署蒸電轉滬漸有轉機尙多疑慮必須俟復
准咨到傳示各商方能重整旂鼓文內如能略敘官必

扶持決無苛勒字樣更好只要收回退出之股分四月
回滬便可開張路款恭佩珥草約已電署連日僱定南
皮要候比國恐致兩誤現商夔帥擬先定英款比來如
合式可續借以造榆關至瀋吉路但須總署電復切實
准借英款便可定議希速轉稟電復

寄京翁太史斌孫

三月十五日

夔帥電復英款草約無甚挾制息亦不大此好機會英
款定後比款必來香帥既屬意可借作瀋吉之用此着
在所必爭云上海總領事已有知會似可靠恭佩珥限
三日訂約如候比恐兩誤如鈞署照准乞切實電令定

議以免延誤乞轉稟

北京總署來電 三月十七日

草約兩載 國家作保此中利害尙宜熟籌已電

鄂督與執事妥商希卽會議

總署寄鄂督電 三月十七日

盛京卿電與英人恭佩珥議路債草約第三條內載

國家作保等語倘屆期公司力難措還勢必要 國家

代償似無代償之理此中利害不可不預爲籌及應如

何慎防流弊請貴督就近會商盛京卿妥晰電復

寄王夔帥 三月十九日

嘯電謹悉署意已詳效電無論比英必俟署中首肯甯
可失機斷不孟浪陳次亮電香帥及倣處極言俄謀秘
而急欲包造中國全路不准借別國款此君喜造謠言
似不足據

京總署來電

三月二十日

比銀行到否俄使謂朝鮮將派人赴滬前訂電約

畫押屆時照辦

寄總署

三月二十一日

奉號電俟朝鮮派員到滬即可將前訂電約畫押台灣
電線前與林董議妥否現台灣接電尙無章程

王夔帥來電 三月二十一日

鄺榮光本約定湖南開平各住半年當促速行

寄北京李傅相 三月二十二日

馬電南皮已閱大可釋疑比銀行已到鄂借款英比或有一家可定美國柏許同其工師爾立樞已勘至盧溝橋華士賓日內到京必進謁能否抑其奢望如照英比章程或粵漢或奉吉皆可議辦爾立樞本領甚高無論美款成否總擬留用乞留意

京電局馮志先來電 三月二十四日

昨往翁宅候復得見宮保諭云 國家代保與原

議不符不免疑慮現聞比國人已到且看商議如何有無窒礙俟約到再說銀行章程惟樂有後言好在眾皆不以爲然可速卽開辦必竭力扶持決不掣肘鐵路究有就緒否自盧至保聞路已勘齊能否卽辦緣津盧將成而盧漢尙無消息雖路有長短時有先後相形究不好看倘有一時不能卽辦之苦衷不妨虛張聲勢以防人議論云云并諭以上各節彼此心照勿告外人又云世姪王弼臣與高陽親戚卽在高陽處晤過兩面惟北方人恐不欲南來伊意不過欲在北方謀鐵路等處司事

志並不大不妨從緩至佑孫事承如此通融甚可
感但無功受此厚薪亦不相宜等語特稟聞

北京翁韋齋太史來電 三月二十五日

函及兩電均奉到會摺到後再復借款如何銀行
事譯署咨稿尚未畫齊正初電蓋指蘇滬言小病
遲復幸鑒

津督署夔帥來電 三月二十六日

徑兩電西戌間先後到已會電總署矣頃接總署
有電云個電悉借款既須 國家作保盈虛自當
審慎來電所擬攤還出款係有定之數而路利所

入尙屬虛懸之款每年以入抵出現係預計有無
實在把握至謂公司果不能還路歸 國家收回
云云公司既無利可圖收回亦屬無益務希再行
會同詳細體察電復盛京堂一體知照等因香帥
處想亦接到希妥商會復

北京李傅相來電

三月二十七日

疏交部議比銀行買料用人利息較多於英亦須
國家作保適華士竇同監工爾立樞來謁與談
辦法爾立樞謂黃河須在廣武山畔造鐵橋約三
里不能用船條各節均甚精到洵爲良工但華士

賓議未就渠不獨留華士賓云欲包工除部款商
款外並包用款利四釐九扣不侵督辦之權路事
須令總理吾弟於此事無閱歷似仍初議故美爲
妥告以借款無須 國家作保僅以路抵押亦允
諾或華回滬再面議

又 三月二十八日

榮許密陳恭邸謂 國家作保不可行本日言官
奏參令王張查復代保斷不允英比必不肯借路
豈中輟吾切實開導華始允不必作保酬勞紅股
未提用料似須包辦餘再商伊赴昌平遊暫難南

下聞部款允撥四百萬

寄北京翁宮保

四月初五日

頃奉鈞署函復銀行事有及早開辦勿隳半途之諭本已擇定四月廿六開辦中外通知歐亞傳報若再改期恐商情疑懼一散不能復聚可否廿六開辦毋庸改緩所有利弊俟會同詳細查核逐條聲復以免中輟候鈞復擬再電奏

北京李傅相來電

四月初五日

華士賓回言 國家既不作保外人集資助役若不包全工恐本利無著仍隨事與督辦商廿年內

如本息完清即可不管否則彼與監工俱回美擬
日內出京至滬候弟信比使來言接漢口電彼公
司已允不作保來人有畫押權不必候本國信是
此事有端倪仍告以事成須用好監工由執事自
酌安定據華云與爾立樞約核此路四千萬可成
只怕華款二千難彀則外股疑懼矣

寄李傅相

四月初五日

比使所云與漢領事言相符或可就此解圍華士賓太
老到滬擬與談粵漢路事

寄京翁葦齋

四月初九日

合同磨久始成幸勿洩漏恐各館挑唆中阻似此波折
皆才短也

津督王夔帥來電

四月十一日

並致張制台

佳兩電蒸午同到明白周密卽刻照發長電作蒸
一短電作蒸二希察照合同底稿亦由紫局鈔送
矣柏士李治華士賓等先後出京均來見過李極
穩篤華極老猾然否

寄夔帥

四月十一日

華極老猾故議久無成李極穩篤故擬留用洋人善惡
亦易流露傅相電英德知此款將成大抱不平屬備抵

制今復一電飭紫局呈閱

寄李傅相 四月十五日

恭佩珥派其書啟來鄂探信告以已與他人定議無專
條利亦減彼求別樣借款答以蘇滬隨後可商

寄京翁韋齋 四月十六日

行奉署咨及早開辦准不改期惟張因路款不定行事
未便電奏屬先開辦或須將定期難改一面詳籌會奏
如於 國家果有窒礙者皆可隨時更正云云由宣先
行電署代奏乞密示遵

京電局馮志先來電 四月十五日

京城銀行定何日開辦請電示都人士與姻伯關切者均謂能親自來京一行則浮言自息鐵路招股亦易特稟聞以備參酌

寄馮志先

四月十六日

京行奏復後即擬開辦聞四恆甚妬能否籠絡本擬借款定後進京一行聞匯豐吳懋鼎與京兆合謀貸英款一千五百萬接辦盧漢望即面詢韋齋比款合同何條不對是否要借英款英商比商均在鄂守候或月有別故務祈密示

寄京翁韋齋

四月十七日

比約久延英美德均來紛纏今早公電請早定議南皮
慮未午作梗又電高陽助力如能往候可與面商切要
寄京李傅相 四月十八日

朝鮮簽訂電約人已到滬唐紹儀來電謂畫押後所欠
電款卽難索還已令博來告知須還借款七萬方可畫
押好在電局出名

京李傅相來電 四月十七日

英使昨來署言在滬並未見恭只聽領事說及到
京接外部電有英商二人在內並未言德余將比
合同大意告知謂恭議不符伊請署照會堅稱總

公司定議未便由署行文與爾甯蘇更未便說德使欲來爭聞英議或暫中止樞游移不決或將比約聯銜具奏專車由輪遞候批

又 四月十七日

胡吳議未聞款宜早出奏京至漢及中國鐵路公司字樣應改作盧漢字樣清界限免猜疑

津督王夔帥來電 四月十七日

諫電所詢一節決無其事亦無所聞近因由看丹展至永定門外續借洋款二十餘萬必係因此傳誤

津督署王夔帥來電 四月十七日 並致張制台

諫電各節已填篠字會電總署矣內似應及早定議下去兩句改爲藉可息爭又其心難測下去兩句改爲夜愈長夢愈多萬難面面俱到又鈞裁電示下加一段其文曰再此時他族視中國強弱者以學堂礦務鐵路銀行爲根本船塢礮利猶其次也此次鐵銀兩事若仍議而不成外人將以爲中國決無自強之日從此覬覦環生禍且至於不可思議此某某等不能無鯁鯁過慮者也迫切陳詞並求鑒諒等因統希督照

又 四月十八日

洽電屬加三十六字已來不及應否專致一電或
尊處另致一電請酌此時似亦不在乎此待比款
有成告之未晚也此事若再游移大局必致中變
當斷不斷焦憤何極昨篠電後段激切言之不知
有動於中否耳

寄津督王夔帥 四月十九日

琴電謂木公有南北兩辦之意豈木爲月鉤耶

又 四月十九日

傅相篠電英海已解邸樞游移須將比約聯銜具奏斷

不可遲但云電奏數次比催定議勢難再緩似不能不
准云琴川銑電首座聆佛言慎重故不敢斷專候章到
云南皮意如篠電譯署再不斷只得具摺但鄂遞太遲
擬電大概請鈞處就近繕發草約卽照前電繕送可否
乞示

又 四月十九日

銀行總署咨令及早開辦已定二十六開張南皮因比
款公電未復行事不願電奏然寄 諭有逐條聲復以
憑核辦字樣先開辦後奏復未知有無挑剔應否先將
遵照署咨開辦報明日期聲明往復會商隨後再行奏

復如實有窒礙處不妨續議更正以免中輟乞示

寄京韋齋

四月二十日

南北兩辦豈本爲月鉤耶此路撥借款定須照章集股分年還債若皆如所奏行必做得到分南北恐更難

寄津夔帥

四月二十日

傅相號電昨海英使到署曉瀆與邸面折已無事務速奏進云刻南皮屬擬大概今夜或可電請改繕琴川昨電木有南北分辦之意則必掣肘難招股卽難還債此摺內宜隱約鄭重言之然非吾師大筆增入不足動聽

又 四月二十日

傅相來電京漢宜改盧漢免猜疑合同第一款奉 旨
承辦之下改曰由京城之盧溝橋以達漢口鐵路第六
款改曰盧漢鐵路工程除意外之事外應於五年內一
律告竣並即開駛運行以下刪去第八款節制之上添
調度二字請更正照繕

李傅相來電 四月二十日

比使又來催定議尊疏何不速遞應令該國監工
早日勘路俟奉批准仍由執事畫押每對各使言
總公司自與比公司商定 國家不便阻秘之

寄京李傅相 四月二十一日

疏稿號亥寄津約二十三可見面奉 旨後草正兩約
似可同畫比商恐比使見怪擬親送京候比使閱後折
回再畫正押而兩人中有一人須勘路到京在數月之
後請商比使電飭領事傳諭二人在鄂併將正押畫齊
再送使署蓋印以便放手辦事英美有人到鄂總公司
直認不辭與鈞處對各使言相合

直督王夔帥來電

四月二十二日

會奏稿底箇酉接到此疏深切著明毋庸復贊一
詞當卽裝敘摺帽刻卽付繕草合同亦照另電更
正隨摺呈覽今日下午必可拜發擬由四百里驛

遞二十四可以見面合同更正之處並卽會電總
署再第五款京漢亦改盧漢第十二款京城改盧
溝橋並達又銀行事電奏極妥箇成已照轉

寄京李傅相 四月二十四日

比使求緩半月再畫正約可允但云恐勘路後須有改
變斷不可允所以催畫正約者正恐改變耳且勘路必
數月若正約不畫催匠買料均不能定於彼亦損據領
事云洋文合同已寄五月初到京只須比使閱後便可
畫正約領事與其頭人馬西赴滬等候卽在滬畫正約
工師海沙地給憑信准馬西一併代押乞告比使勿游

移英美尙在此涉想也

寄京李傅相

四月二十七日

二十六已畫押其一人已送合同進京領事亦赴滬候
信又一人初三動身勘路畫押前酌改三處均有益卽
鈔咨所有畫押日期照章似應知會比使

京電局馮志先來電

五月初一日

本日御史褚成博有一摺兩片摺言比國借款隱
患實深請另招商股一片言專利行私應否撤換
一片言鐵路總公司應請添派會辦以上摺片均
存無辦法

寄津督王夔帥

五月十二日

轉京總署庫倫大臣咨稱電木一萬根須用牛車二萬輛車價木工需銀十五萬兩各旂應派官員口糧等項不在此數近來牛災甚重兼以入山砍伐殊屬維艱惟該盟所稱經費與東三省數處砍伐官木章程是否相符尙須核奪等語查東三省木工車價每根不過三四兩今庫倫每根十五兩斷難照辦已派博來赴京與俄署商酌展緩一面咨復庫倫另行設法乞鈞督

天津巢令鳳岡來電

五月十五日

俄使在譯署言欲將東三省鐵路改移由伯都訥

取道蒙古直達俄界有旨詢恩帥可行否覆奏

蒙古地曠人稀無利可圖兩國均無利益云津郡

拐帶謠言日甚官民張皇捕風捉影久恐釀事

寄津督王夔帥 五月十七日

部款聞先撥三百餘萬除盧保需款四百三四十萬淞

滬需款三十餘萬津榆還款三四十萬外僅有一百餘

萬可歸漢口一頭之用部文尙未見總公司收支擬會

派嚴作霖總理楊廷臬幫辦鐵路學堂已歸併大學堂

擬派王道脩植兼管會稿已呈送

寄長沙陳右銘中丞 五月二十四日

花石煤月內運萬石已飭廠隨收隨驗宣今日回瀨湘
潭線宜飭早設

鄂督張香帥來電 五月二十七日

現紗廠須付良濟機價甚急昨面商代籌已承允
諾查機價共十三萬兩官商辦法未議定姑先官
商各半分籌已籌有一萬五千兩請卽於鐵廠應
還布局款內先撥銀五萬兩應付至感除咨達外
祈卽電復

寄張香帥 五月二十七日

追隨兩月感銘肺腑奉感電命鐵廠籌還五萬兩咨到

遵辦二十四擬呈奏草乞改正卽寄滬再轉津繕發片
奏明日見比領事卽電達

寄王夔帥

五月二十八日

二十三南皮出示鈞電面屬擬稿意似稍悟二十四將
稿送去請改正後寄鈞處繕發宣二十七抵滬黃道赴
榆關養病招商總局請卽札委顧道肇熙鄭道官應會
同辦理鄭本幫辦而商務甚熟擬請改爲會辦前將五
月望後之諭示沈已束裝待命矣

津督王夔帥來電

五月二十九日

顧鄭兩道官銜及應否分一總辦一會辦或渾稱

會同辦理均希詳示以便會檄飭遵又南洋向亦
會銜否

寄夔帥 五月二十九日

從前馬道沈道皆稱會辦鄭稱幫辦今顧係二品銜前
台灣道鄭係二品銜候選道然顧生鄭熟似只可照支
應局渾稱會同辦理商局事權全在商董嚴滌唐德熙
陳猷三人請帶敘一筆南洋向不會銜

寄川督鹿芝帥 五月三十日

奉沁電三屬災患未已擬照湖北減折章程開捐仰見
拯濟苦衷然名器愈濫捐愈難辦姑請發實收二三千

張分飭各局勸辦以副鈞屬

川督鹿滋帥來電 六月初二日

承兄分飭各局勸辦賑捐無任感荷已飭局備實
收三千張交任道寄呈希先分飭勸募俟實收到
填給俾便迅速現援鄂章奏請推廣特獎實官兼
收翎支並聞

寄鹿滋帥 六月初三日

推廣特獎翎支是否亦照鄂省外辦暗減乞詳示以憑
轉飭各局遵照

川督鹿滋帥來電 六月初四日

鄂暗減未盡知川擬花翎收庫平五百部飯照費
在外特獎捐萬兩者報作萬二千五鄂外辦與比
有增減否希示復

寄長沙陳右帥

六月初四日

頃與世兄細談湘煤關係路軌數千萬漏卮華軌洋軌
只在此一年內決之廊旣不來洋人又難到計已窮矣
官報例可復對不加費如有舛錯請將發電號數示知
以憑查究

愚齋存稿卷九十一